

三代寶貝錄


貞觀三年
二月

三

和書門		
類	號	函架冊
四七〇五	一四三	二〇

內閣文庫	
和書	四七〇五號
二〇冊	一四三函架

內閣文庫	
番號和	44705
冊數	20(3)
函號	137 154



日本三代實錄卷第五

起貞觀三年正月

二月

左大臣從二位兼行近衛大將臣藤原朝臣時平等奉勅撰

三年春正月丙子朔天皇不受朝賀雨也御前

殿賜宴侍臣奏七曜曆藏冰厚薄腹赤魚舉音樂

賜被並如常儀四日巳卯所司獻剛卯杖天皇

皇不御前殿付内侍奏七日壬午天皇御豐

樂殿觀青馬賜宴奏樂如常儀賜祿有差八日

癸未於大極殿始講寂勝王經以興福寺僧傳燈

大法師位眷德為講師九日甲申地震十三

日本三代實錄卷第五

日戊子參議從三位行左大辨兼左衛門督美作
守藤原朝臣氏宗為中納言左兵衛督如故散位
從四位下正躬王為參議正四位下行右大辨兼
左近衛中將備前守藤原朝臣良繩為左大辨左
近衛中將備前守如故正四位下行勘解由長官
兼式部大輔信濃守南淵朝臣年名為右大辨勘
解由長官信濃守如故參議從四位上春澄朝臣
良繩為式部大輔從四位下行權左中辨兼式部
少輔大枝朝臣音人為左中辨從五位上行民部

少輔藤原朝臣管雄為大輔宮内少輔從五位下
滋野朝臣善根為民部少輔從五位上守治部大
輔藤原朝臣本雄為大藏大輔散位從五位下丹
墀真人弟梶為少輔從四位下行攝津守紀朝臣
今守為山城守散位外從五位下多米宿祢弟益
為介從五位下在原朝臣安貞為大和權守從五
位下藤原朝臣秀雄為河内守攝津權守從五位
上安倍朝臣貞行為正守散位從四位上源朝臣
冷為伊勢守從五位上行皇太后宮亮三統宿祢

真淨為介本官如故散位從五位下藤原朝臣良
近為權介外從五位下善道朝臣繼根為伊豆守
三品行式部卿仲野親王為上總太守式部卿如
故散位從五位下橘朝臣吉雄為信濃權守從五
位下行內藏助紀朝臣冬雄為介散位從四位上
基棟王為下野權守從五位下伴宿祢河男為介
從四位下行越中守房世王為越前權守從五位
下守大判事橘朝臣春成為越中權守河內守大
江朝臣直臣為介散位從五位下高橋朝臣文室

麻呂為越後介從四位下行左中辨兼大藏大輔
高階真人峯緒為丹波守散位從五位上文室朝
臣笠科為丹後守大藏少輔從五位下藤原朝臣
正世為因幡介大監物從五位下藤原朝臣秋雄
為播磨權介從五位下行陰陽權介陰陽博士滋
岳朝臣川人為權大掾餘官如故左近衛中將從
四位下源朝臣興為兼美作守參議正四位下行
左兵衛督兼伊勢守源朝臣多為備前守右兵衛
督如故散位從五位下小野朝臣國梁為備後介

從五位下藤原朝臣國經為權介從五位上藤原朝臣關主為安藝守從五位下紀朝臣春常為長門守外從五位下菅野朝臣高松為紀伊介從四位上行彈正大弼茂世王為阿波守從五位上守左近衛少將藤原朝臣有真為介少將如故從四位下行民部大輔豐前王為伊豫守從五位下守左近衛權少將藤原朝臣山蔭為介少將如故大藏卿正四位下源朝臣生為筑前守宮内大丞正六位上大原真人安雄去年十一月六日關賜爵

之日式部省引列於庭中而内記漏脫不書位記遂以空還然而勅賜着緋是日進賜從五位下告身授無位長岑宿祢良子從五位下十四日巳丑大極殿齊會畢僧綱以下奉案内殿論議如常十六日辛卯帝御前慶賜宴侍臣踏歌賜祿如常十七日壬辰降雨於豐樂殿行射礼上不臨御勅公卿令監射焉廿日乙未出雲國上言渤海國使李居正等一百五人自隱岐國來着嶋根郡廿一日丙申内宴近臣文人賦詩内教坊

奏樂如常儀賜祿有差授雅樂少允正六位上和
迹部大田麻呂外從五位下大田麻呂工於吹笛
者也是日宣詔山城河内和泉攝津及七道諸國
司近來奉修理東大寺大毗盧遮那佛三夫既成
仍來三月十四日當設无遮之大會極莊嚴之妙
態宜自十一日至廿日禁斷殺生至會日於國分
二寺各開齋會請集部内僧尼並為供養其料物
使用正稅其太宰府於觀音寺修之令導師具演
事由兼令會集僧尼俱稱讚盧舍那佛号乃至無

甲乙庚三本
運作鏡

知小民教作是念我寺知識所奉修理毗盧舍那
今日至心應奉供養我亦運心專念同就廣作功
德但先帝准擬本願 天皇之弘願以八幡大菩
薩為主天下名神及萬民為知識衆初作修理今
至當時此事遂成始終雖殊德業惟一然則使八
幡大菩薩別得解脫令諸餘名神神力自在本願
天皇及先帝御靈乃至開闢以來登遐聖靈並同
賴薰修早開覺花爰及當今表裏表裏安風雨順時
年穀豐稔以此為基當遍法界不論自他終證菩

提焉下知出雲國司云渤海客徒依例供給但舊
 用稻今度時以穀倉充^春廿八日癸卯散位正六
 位上藤原朝臣春景兵部少錄正七位下葛井連
 善宗為領渤海客使播磨少目大初位上春日朝
 臣宅成為通事勅竟使事之間藤原春景宜稱
 但馬權介葛井善宗稱同幡權掾二月乙巳朔
 日有蝕之^{ハエセリ}二日丙午役陸奥國守從五位上坂
 上大宿祢當道介從五位下伴宿祢春宗及掾已
 下記事以上公麻以前守從五位上文室朝臣有

真解由不與過程限也前守有真記事葛木種王
 等科^{フホ}公事^{コト}替留罪^{カキ}以程限之内不分^{キリ}付官物也
 三日丁未撰津國豐嶋郡古荒田五十七町賜二
 品兵部卿忠良親王四日戊申祈年祭并春日
 祭如常七日辛亥遣唐使者向撰津國住吉神
 社奉神宝授信濃國正六位上國業比賣神從五
 位下先是令奉為先帝寫金字大般若經一部是
 日於內殿屈請百僧奉讀彼經限三日訖授外從
 五位下錦部連清乃自從五位下十日甲寅讀

經事畢百僧罷還各施度者一人所司有布施之外以內藏寮給綿布加親十一日乙卯大原野祭如常十三日丁巳釋奠如常讚岐國從五位上田村神列於官社十六日庚申散位從五位下和氣朝臣巨範為中務少輔從五位下伴宿祢益友為大監物從五位上行宮內少輔源朝臣同為大學頭從五位上行中務少輔源朝臣包為治部大輔正五位上行大學頭豐階真人安人為刑部大輔散位從五位下攝朝臣主雄為大判事

主計頭從五位上兼行木工助筆博士有宗宿祢益門為木工權頭主計頭筆博士如故外從五位下行木工權少允志紀紀主自成為助參議正四位下正躬王為彈正大弼從五位下行主殿權助清和天皇之御三年二月十八日度唐制散位從五位諸司雜色人等經一區不得執任左右京從五位上行職條令右筆史石七考異云二月乙卯元行武藏權度宣本史云二月十八日壬戌而不載此文介佐伯宿祢子房為介十八日壬戌皇太后臨御太政大臣東京深殿弟王公以下莫不畢會感

設希饌終日極歡雅樂寮奉音樂賜親王以下五位以上衣被絹諸司六位以下及女孺等賜祿有差夜分之後還御本宮太后可御鳳輦而今日用牛車十九日癸亥授外從五位下行隼人正難波連藤麻呂從五位下主殿允正八位下伴大田宿祢常雄外從五位上宅野朝臣滋子從五位下昨日皇太后御太政大臣第仍有此賞藤麻呂已下大臣家之人也 廿一日乙丑詔山城河內和泉檜津七道諸國司云來三月十四日當

設无遮大會奉供養東大寺大毗盧舍那佛宜令彼日會集人授十善戒 廿五日己巳皇太后向大原野神社奉幣御牛車以藤原氏六位以下為御車從者是日以周防守從五位下藤原朝臣直道為少納言散位從五位上藤原朝臣諸葛為中務少輔齊院長官從五位下兼行主殿權助藤原朝臣水谷為侍從餘官如故從五位下行侍醫兼醫博士駿河介興道宿祢名繼為內藥正侍醫駿河介如故從五位上行中務少輔和氣朝臣巨範

為大藏少輔從五位下行越中，介大枝朝臣直臣，
為駿河權守從五位上守左近衛少將兼行近江，
權介藤原朝臣良尚為正介少將如故外從五位
下行紀伊，介菅野朝臣高松為越中，介大藏少輔
從五位下丹墀，真人弟梶為周防守。詔大納言
兼行右近衛大將源朝臣定聰以私鷹鷄各二聯，
遊獵山埒河內和泉，撰津等國禁野之外。廿九
日癸酉皇太后落饒入道。文德天皇女御從一
位藤原朝臣古子相從出家參議從四位上行太

戊本岑作參

宰大貳清原真人岑成卒。岑成左京人，贈一品，
人親王之後也。曾祖二世從四位上守部王祖從
五位下猪名王父无位弟村王岑成是弟村之子。
也。天長五年為近江大掾，六年授從五位下為筑
後守。七年二月母憂去職，其年十月拜近江介。九
年加從五位上。岑成本名美能，至十年六月賜
姓清原，真人改名為岑成。十一月加正五位上。承
和元年授從四位下。十一年為越前守，赴任之後
取暇入京隱居，不出所司奏聞官當解任免從四

位下之階，十二年授正五位下，十四年春拜大和守。嘉祥元年授從四位下，為彈正大弼，遷為左中辨。仁壽二年出為越前守，八月留為彈正大弼，齊衛二年進從四位上，除右大辨。天安元年遷大藏卿，二年兼因幡守，貞觀元年拜參議，二年為太宰大貳，卒於官。岑成，立性清直，不拘小節，初為大和守，盛改造官舍，有能名，至于為大貳，西府倉屋破壞，特甚，有意脩造，不違寧居，伐神社之木，充結搆之用，或人諫云：「此神見祢有靈，崇咎所致，不利於」

人岑成拒而不肯，強令伐取，因此受病，不幾而卒。時年六十三。三月乙亥朔，殞霜。二日丙子，御齋燒燈如常。四日戊寅，自一日霜頻降。六日庚辰，投阿波國正六位上，白鳥神從五位下。七日辛巳，新鑄銅印一面，賜東市司。八日壬午，授左近衛權少將，正五位下，兼行少納言，侍從播磨介藤原朝臣基經從四位下，散位從四位下，忠貞王為大學頭，從五位上，源朝臣同為宮內少輔。十二日丙戌，授從八位下，齊部宿祢文山從五位

下文山修理東大寺大佛巧思不恒功夫早成仍
 以賞焉ツクホリ十三日丁亥令百官限三箇日中斷魚肉
 以明日應奉供養東大寺毗盧舍那佛故也停防
 鴨河葛野河二使隸山城國十四日戊子於東
 大寺設無遮大會供養毗盧舍那大佛勅二品治
 部卿賀陽親王三品中務卿諱光孝天皇親王四品彈
 正尹本康親王正三位行中納言兼民部卿皇太
 后宮大夫伴宿祢善男從四位下行右中辨藤原
 朝臣冬緒右京大夫從四位下在原朝臣行平從

五位下守左衛門佐紀朝臣春枝散位從五位下
 布留宿祢清貞外從五位下行左京大史三善宿
 祢清江少外記正七位下御室朝臣安常等相率
 向寺監脩會事此是佛像感神聖武皇帝天平十
 五年創造文德天皇齊衡二年頭傾頸斷頰落
 于地手來修理鎔鑄復舊即使閉眼佛師入龜輪
 輻引上乃點佛眼凡其莊嚴之儀不可勝載郎之
 衣以錦繡壇場之上敷其朱紫懸七宝樹遠栽
 庭際藻飭幡蓋排批香花極巧畫覆棄人目精歷

覽梵宇處々莊飭觀者不能厭而拋過衲衣宿襟
振錫秀眉威儀俱足填壺堂宇太唐高麗林邑等
之樂鼓鐘肆陣絲竹方聲先令內舍人端負者廿
人供伎舞次迎衛狀齒者廿人東舞後梵唄接響
衆樂迎奏大佛殿第一層上結搆棚閣更施舞臺
天人天女彩衣霓裳音伎眩空以移一天南北兩
京貴賤士女充街塞陌莫不聚觀踴足翕肩人不
得顧先是詔從四位下行文章博士兼播磨權
守菅原朝臣是善作咒願文曰粵若天國押開廣

庭天皇十三年壬申釋迦牟尼佛銅像東來至于
感神聖武皇帝天平十五年癸未敬造此廬舍那
大佛二百有餘載金姿誕耀光輝百億之中相宏
闊震動三千之外一草一壤獻至誠而爭先一月
三拜應弘誓以競進人神感慶光跡已成摸兜卒
之下生狀須弥之高峙爰設開眼會車駕親臨旌
旗拂天鐘鼓震地四夷聞奏萬樂更陳自斯而後
一百餘祀先皇齊衡二年乙亥秋九月現寐滅
之為樂稱諸法之必空廢千株之扶持為一時之

傾毀靈顏頓落疑滿月之暮西山室髻俱投似遊
雲之類北礪真容特峙儼若思惟玉座無驚宛然
禪定先皇鈞夫无事神器有啟竟曦將佛鏡俱懸
軒車與法輪同轉刑罰措而不用切德以同施慨
諸佛之失元首恨衆庶之無瞻仰以為神力不勤
於六力四禪不壞於三灾四海將留魔風可返即
傍謀卿相博詢芻蕘採公輸班之雲檄批張平子
之參輜周官詮揆日之工荊谷練成風之功雖則
道霑遐途貺動幽明竜主移水府之深星容布天

圃之責紅粟朽廩贖萬民而有贏青鳥委賈散四
海以無盡猶示功非獨奉力高群緣一切偕心衆
生共助一粒攸捨齊金剛之珍藏半錢所施比銅
山之陶鑄於是神靈致感奔為知識之先外道啟
心還為恭敬之輩何況施身童子忍辱仙人天女
持花山中神獻菓三槐九棘視玉佩而徒啟桂殿楹
房落金釵以靡惜無量無盡荷擔爭馳自西自東
車馬競至遂使銀繩運轉見飛頭於虚空壁相全
還瞻圓面於宇殿猶喻漢帝之日再中天上秦王

之鏡更出地中星象一点排重雲而霄光花簪四
照逐長春以曉發前佛後佛非謂二佛前身後身
猶是一身如去如來不生不滅者此之謂哉若使
陰陽為炭萬物為銅較量功力豈如哉自鼎湖龍
去梧岫雲飛藻績有遺供艱未畢爰今上垂衣致
礼寢繩成切馭七聖而無為軼三皇以有截憂良
圖之不竟非善業之無成率先百工遂為具相以
此負觀三年歲次辛巳春三月十四日青蓮湛目
寒翠愧而高臨赭石涵唇啓紆念以密咲三十二

相煥若天成八十四儀魏如踊出即使金光護國
之香場排辦天平勝室之舊事層疊四注激奔電
於彫籠復屋三休統浮烟於繡檻瓊廡清笑之地
鶯鷺成行琪樹恠廊之庭鸞鷲致能飛笋列鐸抽
上妙之奇調清唳梵鐘發中天之異響初虹曳絲
即挂新幡瑞鳳翻金還栖舊刹香煙花雨供三世
佛之虛空玉饌瓊漿薦十方僧之現在天籟地籟
參差萬殊南音北音鏗鏘九變宝螺歎吼法鼓雷
鳴蕩穢滌邪和神感鬼激梵湯河之曲俳優狄鞮

之偶莫不動風雲致麟羽者矣於是閭閻霜撲士
女雲趨車不得施人不得願繞長廊而遊目翠簾
啓窓推高門而翕肩紅袖成帳非夫含樞宅海提
象北辰者焉能動而行之非夫薰修百億覆護三
千者誰敢靜而當之然則金鐘盛四海之水能灌
頂者曰師玉斗騰七耀之暉獨臨曾者秘聖先分
功德救濟神祇早脫威怒之煩速趨慈善之果憑
斯功德奉資感神之中陵以此勝因奉酬田邑之
靈廟俱懸真鏡為遍周法界之光同轉梵輪為願

行圓滿之佛全慈景福奉薦聖明四三才而齊儀
六五龍而比壽愕夢無侵其慮甘寢有恬其神璇
璣不廢玉燭恒昭九土開謳千相發詠太皇太后
中宮摩耶之德窮累劫而無銷章德之規與坤元
以等又親王諸王相府卿門拱北辰而無移柅南
岳以不動百寮之臣千城之宰比屋流祥闔門
福十方之所該被三界之所包含俱出塵區同登
智岸

即祝咒願曰

蓮花法藏 莊嚴世界 祇園重閣 開演勝義

十方法身 遍周法界 不可思議 盧舍那佛

感寔天皇 敬造金容 天人合應 祥符顯彰

一切弘誓 萬方捨財 塊壤盈握 枝葉捧手

銑鎔已畢 藻飾具成 光焰燦天 跣趺連地

榆芭曉點 桂影宵臨 神宮不夜 寰宇長秋

一日三拜 千年六時 霜鐘遠響 風鐸長鳴

至誠欽仰 精進供養 香花無數 伎樂自在

爰及齋衡 圓首忽頽 穀情悲感 黎庶極遑

因修舊迹 補綴先儀 功夫具足 先帝昇遐

聖皇繼躋 文思欽明 垂拱無為 優遊有道

股肱寧濟 輔相肅雍 赤縣同文 蒼旻俱悅

貞觀三年 歲次辛巳 暮春之月 十四日晨

莊嚴治盡 頭顱端正 慧眼重開 靈毫更照

乃勅境內 禁斷屠漁 預勸會衆 受十善戒

屈十方佛 布施妙財 請三世佛 供養上饌

虹幡製絲 雲幢揚光 鼙鼓群鳴 鳳簫俱吐

琴瑟克諧 金石殊調 似夢鈞天 疑生淨土

三行寶錄卷五

天神皈依 地靈來集 觀者如堵 來者如雲

都雄野老 雁行連袖 趙美燕餘 魚貫繼履

如是景祐 先資七廟 條想三明 恬神八解

感神天皇 遠慮斯基 早叶宿誠 當成今佛

田邑聖靈 深圖始啓 速遊六天 遂登十地

兩皇太后 毋儀堅固 中宮淑德 霧露無侵

方今聖朝 室祚延長 恒沁入壽 劫古添身

風調舜曆 雨浹堯旬 萬民康樂 四境恬靜

天官冢宰 全保金剛 衮職名臣 永斷災難

文武百官 霑斯法味 牧守千里 沐此良緣

梵釋四主 龍神八部 增光日月 倍勢風雷

八幡菩薩 殊資妙因 依善知識 成菩提果

部類神祇 或幽或顯 俱乘梵筏 早脫煖宅

水林聚落 河海諸神 扶持白業 愛護黃圖

三千法界 十二因緣 共出煩昏 同遊覺照

廿三日丁酉詔河內攝津兩國聽二品式部卿兼

上總太守仲野親王以私鷹鷄各二聯遊獵禁野

之外 廿五日己亥禁陸奥國出境內之馬 卅

日甲辰聽傳燈修行賢大法師真如向南海道
夏四月乙巳朔 天皇不御前殿於右近伏下賜
侍臣飲祿如常喚左右近衛樂人於北殿東庭奏
音樂中宮別賜中將以下近衛以上御衣并布各
有差 四日戊申廣瀨龍田平野等祭如常 五
日己酉梅宮祭如常 七日辛亥地震 八日壬
子內殿灌佛如常授近江國從五位下川枯神正
五位下 九日癸丑從五位上行中務少輔藤原
朝臣諸葛為少納言從五位上行宮內少輔源朝

善史祿上有
賜字
樂作聲

善史納下有言
字

臣同為中務少輔散位從五位下文室朝臣卷雄
為主殿權助周防守從五位下丹墀真人弟梶為
兼鑄錢長官 十日甲寅授伊賀國正六位上高
藏神阿波神高松神字奈根神並從五位下 十
二日丙辰賀茂齋內親王臨鴨水修禪是日便入
紫野齋院 勅大納正三位兼行右近衛大將源
朝臣定監禪事 十三日丁巳勅緣皇太后御願
安祥寺年分度三人外寄住寺七大寺僧每年一
人請用維摩寂勝兩會聽衆一人預堅義但年分

美史使作便進
下有發字衛下
有府字

度者居山七羊預豎義十三年預聽衆十四日
戊午空中有聲如雷十五日巳未公卿就太政
官曹司廳賜文武官成選位記宣制如常十六
日庚申諸衛敬言固縁賀茂祭也十七日辛酉修
賀茂祭先是內藏寮有人死穢仍勅使自縫殿寮
進十八日壬戌諸衛解嚴廿五日巳巳文
德天皇皇子男二人女三人未定名號是日或為
親主或為朝臣惟恒親王礼子內親王並母藤原
朝臣氏源朝臣行有母臣布勢氏源朝臣富子母

菅原氏源朝臣淵子母滋野氏是也廿八日壬
申天皇御武德殿閱覽左右馬寮御馬駒。五
月甲戌朔授園池司無位御氣津神從五位下
五日戊寅天皇御武德殿觀覽騎射親王以下
五位以上貢競走馬六日巳卯天皇御同殿
觀覽競走馬並如舊儀十一日甲申式部省奏
諸國郡司擬文帝不御前殿右大臣於伏頭定而
奏焉十三日丙戌地震十四日丁亥從四位
上源朝臣光為次侍從十五日戊子遣使者於

近京名神七社奉幣祈雨告文曰 天皇我詔旨

止カニモカキキ 掛畏支 八幡大菩薩乃 廣前仁 申賜此倍 申必 頃

者紅日不雨天 百姓乃 農業可枯損又 掛畏岐 大菩

薩乃 矜賜年 依天 甘雨普降天 五穀豐熟倍 念

行天奈 散位從五位下和氣朝臣彛 範乎 差使天

礼代乃 大幣帛乎 令捧持奉 出須比狀乎 平聞

食天 甘雨忽降天 天下豐年有 賜比 天皇

朝廷乎 宝位無動又 常般堅磐念 護賜比 矜賜倍

恐義 恐義 申賜此 申自餘 社告文准此 十六日

已丑請諸大寺僧六十口於御在所轉讀大般若

經限三箇日訖祈甘雨也 十八日辛卯雷少雨

微澍 十九日壬辰地震微雨即止讀經更延二

箇日為未得嘉澍也 廿日癸巳地震從五位下

守右少辨兼中宮亮藤原朝臣家宗為右中辨中

宮亮如故從五位下行伊勢權介藤原朝臣良近

為右少辨散位從五位下橋朝臣門雄為大監物

從五位下守左兵庫頭藤原朝臣數守為宮內少

輔散位從五位下和氣朝臣彛範為木工權助大

監物從五位下正岑王為內膳正土佐守從五位
下橋朝臣岑雄為彈正少弼從四位下行丹波守
高階真人岑雄為伊勢權守從五位上行彈正少
弼滋野朝臣善蔭為丹波守從五位下行木工助
笠朝臣弘與為土佐守從四位下行右中辨藤原
朝臣冬雄為太宰大貳從五位下行內膳正連扶
王為右兵庫頭 廿一日甲午讀經畢衆僧退散
諸司行布施之外加施御被晚間不雨而雷宣告
存問兼領渤海客使但馬權介正六位上藤原朝

臣春景并出雲國司等云渤海國使李居正違
先皇制輒以吊來亦令看啓案違例多端事須責
其輕慢自彼却還然而如聞居正位在公卿寮過
懸車才綺夫新猶有可愛因欲特加優恤以聞入
京而頃者炎旱連日有妨農時慮夫路次以停止
又上啓并信物等不可更叙須進上中臺省牒授
伊豫國從五位上野間神從四位下詔左右京職
五畿內國班給百姓口分田國司其人仍停遣使
以出雲國給絕一百廿五足綿一千二百廿五屯

便領賜渤海客一百五人一廿六日己亥太政官

送渤海國中一臺省牒下存問使并出雲國司一絕一

十足綿四十屯別賜大使李居正一廿九日壬寅

公卿就太政官曹司廳任諸國銓擬郡司散位從

五位下藤原朝臣諸房為齊宮頭一六月甲辰朔

詔民部省除弄大中臣中臣兩氏絕戶并無身戶

左京職惣一百三十七畑先是正五位下守神祇

伯中臣朝臣逸志少副正六位上大中臣朝臣豊

雄等奏言請件無身絕戶等除帳以絕冒蔭之奸

從之一二日乙巳和泉國日根郡田井山定二十

三町七段百九十九步永充淳和院一三日丙午

無雲而雷一七日庚戌山城國奏言河陽離宮久

不行幸稍致破壞請為國司行政處但不廢舊宮

名行幸之日加掃除許之一九日壬子任伊勢齊

内親王裝束使大被於建礼門前伯耆國八橋汗

入會見日野四郡去年九月遭水灾百姓被損者

多詔復優二箇年一十一日甲寅修月次祭神令

食祭一帝不御神嘉殿親王公卿向神祇官行事

美史以下各字

三才實錄卷五

三十一

十六日巳未頒行長慶宣明曆經先是陰陽頭
從五位下兼行曆博士大春日朝臣真野麻呂奏
言謹檢豐御食炊屋姬天皇十年十月百濟國僧
觀勤始貢曆術而未行於世高天野原廣姬天皇
四年十二月有勅始用元嘉曆次用儀鳳曆高野
姬天皇天平寶字七年八月停儀鳳曆用開元太
衍曆厥後室龜十一年遣唐使錄事故從五位下
行內藥正羽粟臣翼貢寶應五紀曆經云大唐今
停太衍曆唯用此經天應元年有勅令批彼經造

曆日無人習學不得傳業猶用太衍曆經已及百
年真野麻呂去齊衡三年申請用彼五紀曆朝廷
議云國家批太衍經造曆日尚矣去聖已遠義貴
兩存宜暫相兼不得偏用貞觀元年渤海國大使
馬孝慎新貢長慶宣明曆經云是大唐新用經也
真野麻呂試加覆勘理當固然仍以彼新曆比較
太衍五紀等兩經且察天文且參時候兩經之術
漸以麤疎令朔節氣既有差又勘大唐開成四年
天平十二年等曆不復與彼新曆相違曆議曰陰

甲本戊本及本
史學曰本本温
古坐本至作履

陽之運隨動而差差而不已遂與曆錯者方今大
唐開元以來三改曆術本朝天平以降猶用一經
靜言事理實不可然請停舊用新欽若天步詔從
之十七日庚申詔定仁明天皇深草山陵四
至東西限一町五段南限純子內親王家地北限
峯散位正五位下橘朝臣貞根為右京大夫從五
位下藤原朝臣三直為安藝介三直貞觀拜安藝
介而會母喪去官今赴之廿日癸亥伊勢國朝
明郡人六人部津根麻呂妻秦美豆岐下產三男

賜稻三百束充乳母一人三箇年間給以公糧
廿一日甲子下知近江伊賀伊勢國等國司役夫
一百人馬二百九十五走來九月四日伊勢齊內
親王將入太神宮仍預令點儲宣詔伊勢國司并
太神宮司云豐受官祿宜正八位上神主河繼內
宮大內人外從八位下神主真雄同宮副大內人
外少初位下神主伊勢雄等一祖之後分爭歷年
或告冒名或云假姓尋其端緒互有是非竝須摘
其疵瑕正其罪法然而事行曩代咎在先民既似

踈違誠非奸伏加以發覺以來多經恩蕩神主同
 職子孫相仍誓之律條既非還正之類求之圖系
 猶見同姓之因所諱之疊同自先祖而發實非末
 孫之過周道如砥既往不咎况秋業已厭國憲有
 常取犯事條非可追究且令共保所帶之姓依舊
 得供神事但聞河繼等各依私事互關神事須准
 法式重其科責此段別從在宥之義以崇一切之
 恩廿二日乙丑天寒降霧廿三日丙寅地震
 廿八日辛未 天皇御前殿觀童相撲先是近臣

分頭相折各為左右以右大臣正二位兼行左近
 衛大將藤原朝臣良相為左方首以大納言正三
 位兼行右近衛大將源朝臣定為右方首左右標
 并樂人相撲童等經左右伏下入往殿前九番相
 撲後有勅命停左右互奏音樂種々雜伎散樂
 透撞咒擲弄玉等之戲如相撲節儀 廿九日壬
 申晦帝御南殿觀童相撲如昨儀朱雀門前大掖
 如常 秋七月癸酉朔 二日甲戌授和泉國從
 四位下勳八等大鳥神從三位紀伊國正六位上

御船神從五位下 十一日癸未大風雨 十四日丙戌先是伊勢國司介從五位下清原真人長統大掾正七位上藤原朝臣秋實少掾從八位下藤原朝臣近氏大目正七位下秦忌寸高志繼少目從六位上大友槻本連真吉從八位上若宮臣秀雄前司大掾正六位上御常朝臣雄少掾正六位上興世朝臣有法大目正六位上早部直秋貞少目正七位下忍海部國富并諸郡司十五人物廿七人為安濃郡百姓神人部末成建部經練所

正隱課丁二百十八人不附太帳遣散位從七位上藤原朝臣朝野推之長統等罪當徒以下是日扱去年十一月十六日詔書之首原免 十九日辛卯以尾張國愛智郡荒廢田一百八町六段三百步充冷然院 廿六日戊戌 帝御前殿觀相撲左右近衛府奏音樂 廿八日庚子制諸司雜色人未經一選不得輒任左右京職條令 八月壬寅朔 三日甲辰越後國從五位上弥彦神大神居多神並授從四位下 六日丁未釋奠如常

外從五位下行直講六人部福貞講周易 七日
戊申明經博士等奉參內殿論義如常 十二日
癸丑屈六十僧於內殿轉讀大般若經限以三箇
日 十六日丁巳 天皇始講論語正五位下行
大學博士大春日朝臣雄繼侍講是日夜月有蝕
之 十七日戊午地震宣告五畿七道諸國云佛
頂尊勝陀羅尼功德勝利不思量者也故波利預
身邀大士於五臺窟善住繫念脫極苦於七返生
宜令書寫梵本安國內諸塔若無牢固之易損壞

須鑿心柱深藏其中凡厥効力所感只有虔心亦
須國司當日清食於國分寺令講讀師燒香散花
供粮諸尊迴向法界但定額寺令三繼修之其無
塔寺不在此限越前國百姓窮弊飢饉特甚長門
國去年疫癘死者尤多並賑給之 十八日巳未
大赦於建禮門前以伊勢齋內親王可入太神宮
故也 十九日庚申左京人散位外從五位下伴
大田宿祢常雄賜伴宿祢姓先是正三位行中納
言兼民部卿皇太后宮大夫伴宿祢善男等奏言

常雄欵侮謹秘家謀伴大田宿祢同祖金村大連
公第三男狹手彥之後也狹手彥宣化天皇世奉
使任那征新羅復任那兼助百濟欽明天皇時百
濟以高麗之寇遣使乞救狹手彥復為大將軍伐
高麗其王踰墻而遁乘勝入宮盡得珍室貨賂以
獻之珠敷天皇世還來獻高麗之囚今山城國狹
以是也狹手彥再使海外征伐兩國盡力絕域復
立二國身尊當時功流後代但古人朴質除兩國
盡力非私皆賜別姓是以子孫不得大部別賜大

田宿祢而狹手彥之弟阿被布古承父為大部連
公自斯而後恐子孫之不廣無復更賜別姓今阿
彼布古之後歷代尊顯而狹手彥之後舉朱紋者
曠世無聞一祖之枝榮枯殊隔沉淪之歎告訢无
正常雄幸逢昌舉新參花轂門蔭中興寔為榮慶
刊大田兩字同故於丁宗然則外不辱功臣之序
內方敦孔懷之親善男等伏檢家記所陳不虛請
刊彼兩字直賜宿祢控泐入此本源從之 廿一
日壬戌從五位下紀朝臣本道為筑前權守本道

天安二年二月拜此職母憂去職今詔赴之肥後國飽田郡大領外從七位上建部公負雄借外從五位下是日彈正基始置扶臺掌二人 廿四日乙丑伊勢齊內親王臨葛野河修禊 勅遣中納言從三位兼行左衛門督藤原朝臣氏宗監禊事肥前國正六位上稻佐神堤雄神丹生神並授從五位下 廿七日戊辰空中有聲如雷 廿九日庚午大被於朱雀門前以伊勢齊內親王九月一日將入太神宮故也日晚雷雨是月京邑往往梨

李華或實又患赤痢者衆十歲已下男菴深苦此病死者衆矣 九月壬申朔 勅遣右大臣正二位兼行左近衛大將藤原朝臣良相尚侍從三位源朝臣全姬向八省院發遣伊勢齊內親王 九日庚辰重陽節 天皇不御前殿於殿庭賜菊酒親王以十侍從以上及文人酬飲賦詩 勅賜題云菊暖花未開日暮賜祿各有差是月伊勢齊內親王入太神宮由是無用宣命不舉音樂亦不着靴 十九日庚寅無品伊登內親王薨帝不視事

主疑
大國玉
之誤按
神名帳
常陸國
真登郡
有大國
玉神社

三日内親王者桓武天皇之皇女也藤原氏從三位乙穀之女也廿三日甲午授常陸國從五位下主玉神從五位上廿四日乙未正五位上行刑部大輔豐階真人安人卒安人者元河内國大縣郡人後為左京人也本姓阿侯公延曆十九年阿侯公御影改姓豐階公安人少幾悟有局量以好學早知名涉讀史傳最精漢書承和五年除少内記轉大内記十五年外從五位下嘉祥二年遷東宮學士三年四月文德天皇踐祚授外從五

位上為丹後權守仁壽二年安人上疏言安人貫河内國未除公字伏請移籍京華亦為真人於是詔賜姓真人貫於京地齊衡三年遷為圖書頭天安之初遷掃部頭遷大學頭少頃為東宮學士大學頭如故數月兼美濃權介其年十一月皇太子即帝位加授正五位上貞觀三年拜刑部大輔卒時年六十五廿六日丁酉左京人大内記從七位上味酒首文雄山城少自從八位下味酒首文王文章生無位味酒首文宗等三人並賜巨勢朝

臣先是左京權亮從五位下巨勢朝臣河守等奏
言文雄子ユヨ欵カニ備先祖出自武內宿禰大臣也第五男
巨勢男韓宿禰是巨勢朝臣之祖第三男平群木
免宿禰即是文雄之祖也木免宿禰之後賜味酒
臣姓淪落被貫伊勢國至于文雄祖宗改臣賜首
姓入貫左京事煥圖謀不敢具載文雄一祖之裔
小腹之支別孤為悴族久隔榮途加以酒之為用
唯貴成禮耽淫之失鑿識攸深而今味酒為姓副
以首字之味既非吉祥况復當為其首乎是以改

姓之望朝夕刻キリ面オモ式微之歎弟兄深歎願ス熙明時
之景煦入巨勢之華宗濯キ鱗キ清流ヲ斂シ翼ヲ高幹但須
順祖胤之流賜平群之姓而平群之字稱謂是允
巨勢之文義理堪愛恒作昆弟實可无親疎既云
匪他詎論其去就河守等謹檢本系已知同宗見
其所愁理當聽許特賜巨勢朝臣之姓將慰沉淪
族人之懷從之 冬十月辛丑朔 帝御前殿賜
飲侍臣左右近衛府逆奏音樂賜祿如常 四日
甲辰遣使者向伊勢國太神宮奉幣為國祈也

酒賀
字未詳

神名
作雲井
寺

十一日辛亥造酒司從五位下酒美豆男神酒美
 豆女神並授從五位上十六日丙辰因幡國正
 六位上酒賀神賀露神並授從五位下授散位外
 從五位下伴宿祢常雄從五位下陸奧國石瀨郡大領石瀨朝
 臣富主授借外從五位下廿日庚申備後國正
 六位上大神神天照真良建雄神並授從五位下
 廿二日壬戌授雲感寺無位權本神從五位下
 從五位下橘朝臣三夏為大宰少貳去七月母喪
 解官今詔以本職赴之廿四日甲子帝御前殿

召右諸衛府并左右馬寮獻物奏音樂是五月六日競
 走馬輸物也親王以下賜祿有差廿五日乙丑
 請六十僧於內殿限三箇日轉讀大般若經廿
 八日戊辰太政官論奏曰尾張國人敢臣繼吉敢
 臣宗貞等歐殺宗貞兄敢臣繼雄信濃國人壬生
 稻主歐殺妻母刑部子刀自女上野國人神人繼
 道故殺布師貞淡路國浪人物部冬男闕殺錦織
 廣人遣正六位上行治部少丞安倍朝臣興氏從
 七位上行勘解由主典伴連貞宗等於上野國推

之自餘國司断而言上法官覆案罪皆當斬詔減死一等處之遠流 十一月辛未朔 帝不御前殿陰陽寮貢獻来年御曆付内侍司奏 二日壬申春日平野祭如常 三日癸酉梅宮祭如常 十一日辛巳散位從五位下丹墀真人今繼為武藏權介讚岐國多度郡人故佐伯直鈴伎麻呂故正六位上佐伯直酒麻呂故正七位下佐伯直與主鈴伎麻呂男從六位上佐伯直貞持大初位下佐伯直貞繼從七位上佐伯直葛野酒麻呂男書

十一日辛巳行

一本云按日本紀室屋名僅初見允恭紀而其子之胤允恭世位國造

博士正六位上佐伯直豐雄從六位上佐伯直豐守與主男從八位上佐伯直粟氏等十一人賜佐伯宿祢姓即隸左京職先是正三位行中納言兼民部卿皇太后宮大夫伴宿祢善男奏言書博士正六位下佐伯直豐雄歎云先祖大伴健日連公景行天皇御世隨倭武命乎定東國功勳蓋世賜讚岐國以為私宅健日連公之子健持大連公子室屋大連公之第一男御物宿祢之胤倭故連公允恭天皇御世始任讚岐國造倭故連公是豐雄

等^カ之別祖也 孝德天皇世國造之號永從停止
同族玄蕃頭從五位下佐伯宿祢直持^真正六位上
佐伯宿祢正雄等既貫京兆賜姓宿祢而田公之
門猶未得預謹檢案內真特正雄等之興只由實
惠道雄兩大法師等贈僧正空海大法師所成長
也而田公是大僧正父也今大僧都傳燈大法師
位真雅幸屬時來又侍加護比彼兩師忽知高下
豐雄又以彫蟲之小藝忝學館之末負願望往時
悲歎良多唯正雄等之例時蒙改姓改居善男等

謹檢家記事不憑虛從之 十六日丙戌武藏國
每郡置檢非違使一人以凶猾成黨群盜滿山也
十八日戊子大原野祭如常 十九日巳丑園
并韓神祭如常 廿日庚寅所司奉祭鎮魂如常
儀 廿一日辛卯新嘗會也 帝不御神嘉殿親
主公卿向神祇官奉祭如常儀 廿二日壬辰
天皇御前殿賜宴群臣如常賜祿有差 十二月
庚子朔 十一日庚戌月次神今食祭 天皇不
御神嘉殿親主公卿供事如常儀 廿五日甲子

獻荷前幣於諸山陵墓如常。天皇不御建禮門前公卿行事。廿日己巳大被大儼如常。天皇不

天皇御前... 廿一日... 廿二日... 廿三日... 廿四日... 廿五日... 廿六日... 廿七日... 廿八日... 廿九日... 三十日... 日本三代實錄第五

日本三代實錄卷第六

起貞觀四年正月盡十二年

左大臣從二位兼行左近衛大將藤原朝臣時平等奉勅撰

四年春正月庚午朔。天皇不受朝賀雨也。御前

殿賜宴侍臣賜被如常儀。七日丙子帝御前殿

觀青馬宴於群臣賜祿各有差授參議從四位上

兼行式部大輔春澄朝臣善繩正四位下從四位

下行越前權守房世王從四位上无位良秀王從

四位下從五位下行内膳正正岑王從五位上左

京大夫從四位下在原朝臣行平兵部大輔藤原

朝臣仲統无位源朝臣能有並從四位上正五位
下行大和守弘宗王内藏權頭兼左衛門佐藤原
朝臣興邦並從四位下散位從五位上藤原朝臣
春國大藏大輔藤原朝臣本雄並正五位下備中
守從五位下朝野朝臣真吉圖書頭橘朝臣岑範
少納言兼侍從藤原朝臣直道陰陽頭兼曆博士
大春日朝臣真野麻呂式部權少輔平朝臣實雄
雅樂頭源朝臣謹助教滋善宿祢宗人左衛門佐
兼木工頭紀朝臣春枝内藏權助藤原朝臣安方

等並從五位上和泉守外從五位下高丘宿祢百
與陰陽助兼權陰陽博士笠朝臣名高尾張介上
毛野朝臣永世散位正六位上當世王无位源朝
臣計橘朝臣葛名左衛門大尉平朝臣善行木工
權大允藤原朝臣是繩雅樂助藤原朝臣業世内
藏大允藤原朝臣積善式部大丞紀朝臣良丹左
近衛將監安倍朝臣比高大外記賀茂朝臣岑雄
大炊助上毛野朝臣安守散位大春日朝臣澤主
右近衛將監紀朝臣繼則近江太掾御春朝臣行

雄等並從五位下左大史正六位上朝原宿祢高
道右大史安埴宿祢雄繼織部正蕃良朝臣美雄
縫殿助時統宿祢諸兄造兵正葛城宿祢永藤明
法博士粟凡直躰麻呂等並外從五位下 八日
丁丑大極殿始齋講如常以法隆寺僧三論宗傳
燈大法師位長賢為講師授无位源朝臣吾姬三
統朝臣忠子並從四位上无位藤子女王良岑朝
臣熹子藤原朝臣節子藤原朝臣尚子等並從五
位下无位尾張宿祢大海大和朝臣仲子等並外

從五位下 十日己卯乃司獻剛卯扶 天皇不
御前殿付内侍司奏所 十一日庚辰地震 十三
日壬午散位從五位下源朝臣治為侍從從五位
上守内藏權助藤原朝臣安方為助從五位下行
内藏大允藤原朝臣積善為權助外從五位下行
直講六人部福貞為助教肥前守從五位下藤原
朝臣有蔭為民部少輔治部少輔從五位下安倍
朝臣房上為尾張守土佐守從五位下笠朝臣弘
與為權介散位外從五位下肩野連道主為駿河

權介從五位下藤原朝臣忠雄為武藏守從五位
下坂上大宿祢瀧守為介從五位下大原真人安
雄為安房守民部少輔從五位下滋野朝臣善根
為美濃守散位外從五位下三善宿祢清江為介
左京大夫從四位下在原朝臣行平為信濃守勘
解由次官從五位下清原真人惟岳為加賀介從
五位上守右近衛少將兼行阿波權介藤原朝臣
有貞為因幡權守右近衛少將如故因幡介外從
五位下都宿祢御酉為介散位從五位下橘朝臣

時成為石見守從五位下行備後權介藤原朝臣
國經為播磨介從四位下行左近衛少將良岑朝
臣清風為美作守左近衛少將如故從五位下行
式部大丞紀朝臣良丹為介散位從五位下紀朝
臣宗守為紀伊介從五位上行因幡守藤原朝臣
興世為阿波權守侍從從五位下藤原朝臣忠宗
為介大藏卿正四位下源朝臣生為讚岐權守大
藏卿如故從五位上行大藏少輔和氣朝臣巨範
為土佐守散位從五位下橘朝臣忠宗為肥前守

外從五位下忠世宿祢真直為薩摩守從五位下
行主殿權助文室朝臣卷雄為左衛門佐 十六
日乙酉踏歌之節 天皇御前殿宴於侍臣踏歌
如常儀賜祿各有差 十七日丙戌車駕幸豐樂
院觀射禮 十八日丁亥停四衛府賭射之事勅
公卿向豐樂院令諸衛府後參者射 廿日己丑
授近江國從五位上勳八等采主神正五位下
廿一日庚寅內宴如常賜祿各有差是日授從七
位上紀朝臣宅子從五位下 廿五日甲午地震

○二月庚子朔 四日癸卯祈年并大原野祭如
常 八日丁未釋奠如常直講從七位上葛井連
宗之講左傳公卿及文人賦詩 九日戊申春日
祭如常 十一日庚戌圖書頭從五位上橘朝臣
岑範為神祇大副刑部少輔從五位下橘朝臣末
茂為中務少輔散位從五位下都努朝臣清貞為
圖書頭肥前守從五位下橘朝臣忠宗為治部少
輔從五位上行中務少輔源朝臣同為刑部大輔
左京亮從五位下藤原朝臣大野為大藏少輔從

四位下行山城守紀朝臣今守為左京大夫山城
守如故散位外從五位下布瑠宿祢清貞為亮正
五位下大藏大輔藤原朝臣本雄為加賀守散位
正五位下藤原朝臣春因為越中守從五位下行
大學助御船宿祢佐世為備後權介筑前權守從
五位下紀朝臣本道為守 十四日癸丑祠園并
韓神如常散位從五位下藤原朝臣利基為內匠
頭從五位下文室朝臣好雄為刑部少輔正五位
下行內匠頭在原朝臣善淵為大藏大輔散位外

從五位下朝原宿祢高道為因幡權介大監物從
五位下伴宿祢益友為肥前守從五位下行武藏
介坂上大宿祢瀧守為右兵衛權佐 十六日乙
卯出雲國出雲大原兩郡去年風水殞霜多被損
傷詔復課役下年參議正四位下行左大辨兼左
近衛中將藤原朝臣良繩奏云別墅一區在山城
國葛野郡良繩奉為先皇造佛寫經安置其中親
母出家便亦居住請捨事為道場賜名真如院許
之 十七日丙辰地震 廿日己未請六十僧於

丁未庚午賜
字天

內殿三箇日間轉讀大般若經。廿三日壬戌河
內國志紀郡人外從五位下行本土助兼右大臣
家令志純縣主貞成。正六位上行鼓吹佐志紀縣
主福主散位大初位上志紀縣主福依等三人賜
姓宿祢。即改本居隸左京職神八井耳。命之後與
多朝臣同祖也。右京人正六位上行主水令史中
臣朝臣坂田麻呂賜姓大中臣朝臣與大中臣同
祖也。廿五日甲子地震。元品有子內親王薨。淳
和太后奏請不被任葬儀司。詞旨懇切。因而不在。

伊美吉
忌十也
此坂上
醫家用
波本姓
也

輟朝三日。內親王者淳和太上天皇之女也。母贈
皇后諱高桓武天皇之女生一男三女焉。廿八
日丁卯撰津國河邊郡人正六位上行內膳典膳
高橋朝臣藤野等改本居貫左京職。○三月己巳
朔右京人左大史正六位上真神田朝臣全雄賜
姓大神朝臣大三輪大田田根子命之後也。右京
人中納言從三位藤原朝臣氏宗家令大初位上
大藏伊美吉廣勝賜姓宿祢。後漢孝靈皇帝四代
孫阿智使主。後與坂上大宿祢同祖也。二日庚

午毀外從五位下大春日朝臣氏子告身改授從
五位下 三日辛未御齊如常 四日壬申遣木
工頭從五位上兼行左衛門權佐紀朝臣春枝從
六位下守右衛門大尉藤原朝臣好行辨折河內
攝津兩國相爭伎人堤之事備中國賀夜郡人左
大史正六位上賀陽朝臣宗成從六位下備中權
博士賀陽朝臣真宗等二人兼左京職 七日乙
亥授正六位上在原朝臣業平從五位上 八日
丙子太政官處分令左右京職朱荏路每坊門置

兵士二人分番掌護左右兵衛府行夜兵衛等每
巡檢兵士直番 十一日巳卯地震 十四日壬
午河內國交野郡古荒由一町六段攝津國嶋下
住吉兩郡古荒由三十五町九段奉充中宮職
十五日癸未左京職言戶令云凡戶皆五家相保
一人為長以相檢察勿造非違然則結保之興為
亂茲濫有司存之理必可遵行而皇親之居街衢
相接鄰相家坊里猥雜若非蒙官符直施此制不
教之漸輒無承引請親主及公卿職事三位以上

以家司為保長無品親王以下六位別當為保長
散位三位以下五位以上以事業為保長然則皇
憲通行隣伍相保姦猾永絕道橋自全太政官處
分依請右京職亦准此 十六日甲申天東有聲
如雷美作國久米郡始置主政一員 十九日丁
亥雨雹從五位上行上然介伴宿祿龍男到任交
替稱官物多欠禁固前司介從五位上和氣朝臣
豐永訟冤太政官處分過其禁 廿日戊子詔五
畿七道諸國責醫師博士解由先是從五位下行

下野介伴宿祿河雄奏言年中輸貢調庸雜物色
數非少而民弊人姦未進猥積實是綱十盜犯使
者懈緩之所致也今在任博士四人醫師三人皆
非練道受業之輩空費俸料無益生徒請一准史
生差充綱領若不請返抄責其解由令償欠負凡
非業之輩皆責解由但只責身犯不關他急從之
河內國河內郡太領正六位上河內連田村麻呂
信濃國埴科郡太領外從七位上金利舍人正長
小縣郡權少領外正八位下他田舍人藤雄等並

授借外從五位下廿二日庚寅從五位下錦部
淨乃自子賜姓河上朝臣廿五日癸巳延曆寺
傳燈大法師位安慧傳燈大法師位常濟並為內
供奉十禪師廿六日甲午詔畿內五國出舉官
稻簡黠民徭歷代相沿百主不易之政也方今淳
源已遠薄俗逾滋不欺之德罕聞苟免之行流競
遂乃貢賦逋懸公私闕乏迭舉虛納何國不然未
納未進諸郡皆足雖頻下格制務加催督而日不
如古弥以過甚貪吏不免奪俸之苦弱人多失德

美史果礼作
是記頂字
関

士之心上下同嗟首尾難救又每國司遷代分付
受領見損所積十而三四往車雖折來軫方隨如
此不停終至虛竭皮盡毛亡非無素論是而不救
孰與為治安民上策誠果亂彈利國良圖豈期膠
柱今須國內所有諸國除非賜墾由其納租之法
皆增於舊例京戶土人口分由舊例段別一束五
把今增加一束五把雜色由段別五把因即京戶
咸免徭分土人復徭二十日但土人例役之內所
不足者便以租稻充於功食允厥年中雜用皆當

以彼稻與給但當非常異損之年應輸地利懸欠
則國司不費公廩後丁仍舊賦役須隨損多少定
用増減令調移公用不致闕怠亦夫例舉官稻者
須停出舉量其要否給之借貸且救民急且備國
用唯被國田少租之難支例用如無出舉恐乖遠
圖又燈分料稻者先代宿祈事緣功德雖云顧民
何得停廢凡所以嫌出舉改者將以除吏民之苦
假使者之十分今行其一者論之物情豈為煩擾
但使小吏目掾不容奸濫耳夫變常巧法古賢猶

善史近上有
右字學向所
本温吉字本

難自近及遠先訓不朽然則先下畿内限以三年
試張此制儻有利於時有扶於物即施之天下亦
未晚矣 廿八日丙申地震 夏四月己亥朔
天皇不御前殿於近仗下賜飲侍臣賜祿各有差
二日庚子大雨河水流溢行路難通 四日壬
寅廣瀨龍田祭如常 五日癸卯請一百僧於大
極殿轉讀大般若經限三日訖 六日甲辰以傳
燈法師位湛海傳燈滿位詮暉並為内供奉十禪
師 七日乙巳式部兵部兩省奏文武官成選擬

階簿 天皇不御前殿大臣奉勅令本省行之散
位從五位下安倍朝臣比高為武藏介從五位下
行內膳典膳高橋朝臣淨野為筑前權守從四位
下行右近衛少將兼內藏頭藤原朝臣常行為權
中將內藏頭如故 八日丙午內殿灌佛如常
十日戊申祠平野神 十一日己酉祠梅宮神先
是大和國言左京絕占七百十三烟將被削籍依
百姓愁負觀二年且免此四烟百姓之愁猶未有
弭至是免六百十二烟編戶如舊 十二日庚戌

授河內國正六位上栗栖神從五位下 十五日
癸丑公卿就太政官曹司廳授文武官成遷位記
宣制如常是日下詔曰朕聞自古聖明之君以堯
舜為稱首然猶諫鼓謗木設之於朝又俾太禹臯
陶盡其謨訓蓋以萬機之盛非廣詢難以興功四
海之尊非下問無以成化也朕以童州嗣守鴻基
器謝徇齊業慙迪哲實賴賢輔之保化將以拱已
而仰成然運接百代之叔未時遇萬邦之凋殘即
位以遠五年于茲徒聞府帑空竭經用不支貢賦

委史化作佐
學問所著作
佐

皇極經世一
十一

美史以之間
救之二字有

連懸吏人嗟毒未得所以之要術昔神農氏世衰
天下倒懸黃帝代以脩德即隆垂衣之化殷暴辛
政乱百姓塗炭周興成康之時至刑厝而不用是
以古不常淳今不常薄唯在君臣善惡政教得失
而已若能群臣大小勦力傾心勢求政美匡拂朝
家訓導黎庶則國富刑清時和歲阜醜變為撲偽
及為真即東戶季子之代遂何遠之有矣且參議
已上各論時政之是非詳世俗之得失傷化害人
不便於時者節用謹度當利於國者並盡昌言以

沃朕心勿為華飾勿有隱諱以勘解由次官從五
位下兼行筆博士家原宿祢氏主為美作權介餘
官如故廿日戊午勅參議正四位下行彈正太
弼正躬王男散位從五位下住世王无位繼世王
基世王家世王益世王是世王經世王尚世王行
世王故從四位上正行王男高蹈王高居王故從
四位下雄風王男定相王等十五人賜姓平朝臣
先是正躬王抗表曰正躬聲花無美德聖字稱幸
荷不時之崇恩明委非據之重任分輝銑樹託誠

式寶錄卷六

銀潢猥負年山之恩慙無塵髮之功况亦年髮云
暮孫息稍衆名編宗親之籍身耗府帑之資臣雖
才質空虛猶冀破家為國思夫公費內疚私心因
欲除諸子之手名與諸臣同齒列削宗室之繁
省歲時之祿賞雖至女子蔭留一身祿不及子於
其隆退式當悲吟竊見宗門賜姓者多臣意所欣
在平朝臣請除非女子所有男兒皆賜平朝臣姓
亦復諸姪希望者同預於此矣顧骨肉於天然深
愛雖存添塵消於國用篤誠傾企至是許之 廿

二日庚申諸衛敬言固綠賀茂祭也 廿三日辛酉
賀茂祭如常 廿四日壬戌諸衛解嚴授皇太后
宮无位木粘神從五位下 廿六日甲子授河内
國无位田坐神從五位下 廿七日乙丑 天皇
御武德殿閱覽左右馬寮御馬如常儀 五月戊
辰朔遠江國正六位上曾許乃御立神賀久留神
並授從五位下 四日辛未先是大和國言右京
絕戸百七十九烟將被除帳至是並免之以百姓
愁也 五日壬申端午之節 天皇御武德殿觀

以文按候下忌
脫部字

諸衛騎射親王以下五位以上貢競走馬如常
六日癸酉亦御同殿觀馬藝雜弄如昨儀 十日
丁丑右京人左辨官史生從六位下於公浦雄弟
菅雄主雄等三人賜姓滋世宿祢常陸國久慈郡
人丸_{ニル}子部_コ夫人茨城郡_{ヒツキ}徭_シ因吉美候_キ酒田麻呂等
並進位三階以孝於父母也 十三日庚辰授因
幡國從五位下宇倍神正五位上美濃國厚見郡
人外從五位下行助教六人部永貞讚岐少目從
七位上六人部變成散位從七位下六人部行直

姓次錄
田作

阿波疑
阿野郡
人之誤

等三人賜姓善淵朝臣天孫火明命後武_武神_神積_積命
之裔孫與伊豫部連次田_{改イ}連等同祖也讚岐國_日田
田郡大直講從六位上刈田首安雄散位從七位
上刈田首氏雄阿波博士_{野郡人}從八位上刈田首今雄
等三人改本居隸左京職 十四日辛巳式部省
奏諸國銓擬郡司擬文_ヲ 天皇不御前殿大臣奉
勅於近仗下群定覆奏焉 十六日癸未地震是
日夜東京左衛門衛士居區失火_{ミラカカリ} 十七日甲申
詔以河內國從五位下田坐神列於宮社 廿日

丁亥公卿就太政官曹司廳任諸國銓擬郡司進
者海賊往往成群殺害往還之諸人掠奪公私之
雜物備前國言進官米八十斛載於一船差網丁
進上而遭海賊悉被侵奪所殺百姓十一人是日
下知播磨備前備中備後安藝周防長門紀伊淡
路阿波讚岐伊豫土佐等國差發人夫追捕海賊
廿二日巳丑左京人正六位上坂井玉賜姓清
春真人磯城親王五代之孫也廿三日庚寅美
濃國土岐惠奈兩郡百姓弊亡特其給復一年

廿七日甲午淫霖未止是日雷電大雨庭潦奔溢
詔故從四位下藤原朝臣雄敏田地_{在河內國澁}
川郡以充崇親院 六月戊戌朔 四日辛丑武
藏國正六位上金佐奈神列於官社 五日壬寅
太政官處分諸國校由帳自今以後准擬大帳不
許損減若有所損為例返帳但非常損者令別錄
言上以中務少輔從五位下橋朝臣末茂為甲斐
守從五位下守大和權守在原朝臣安貞為大宰
權少貳 十日丁未大後於建禮門前以宮內省

有馬、死穢。十一日戊申晨月次祭夜神令食祭。天皇不御神嘉殿親王公卿向神祇官奉祭授伊勢太神宮祢宜外從五位下神主繼長外從五位上。十四日辛亥平城舊京中勅旨田三十町返賜无品高岳親王及正五位上紀朝臣種子正五位下大原真人全子无位藤原朝臣乙名子并賜興福寺宿院各有數。十五日壬子山城國正六位上天穗日命神陸奥國鎮守府正六位上石手堰神並預官社播磨國揖保郡人雅樂寮笛生笙

無位伊福貞復本姓五百木部連。十六日癸丑地震。十八日乙卯授陸奥國正五位下駒形神從四位下山城國正五位上天穗日命神從五位下自去五月霖雨京邑飢饉頒遣使者賑給之。廿日丁卯大袂如常。秋七月戊辰朔二日己巳常陸國河内信太鹿嶋那賀多珂五箇郡頻年水旱疾疫給復二年。五日壬申天皇御前殿觀童相撲其儀一如去年。六日癸酉亦御同殿觀童相撲。十日丁丑安藝國高宮郡太領外正八位下三

使部直弟繼少領外從八位上三使部直勝雄等
 十八人復本姓仲縣國造十二日巳卯 天皇
 御前殿觀相撲奏樂如去年 十三日庚辰亦御
 同殿覽相撲 十五日壬午下知五畿七道諸國
 進會赦帳程准不與解由狀之期 十六日癸未
 相撲節改六月十五日及七月上旬之内 十七
 日甲申於中宮喚伶人舞童子等奏音樂如童相
 撲日之儀 廿一日戊子地震授武藏國正五位
 下勲七等秩父神正五位上 廿三日庚寅大唐

字向所本温
 古注本定

商人李延孝等四十三人來勅太宰府安置供給
 廿七日甲午地震安藝國郡始置主政一員 廿
 八日乙未左京人前越後介外從五位下坂上伊
 美吉能文大學少允從六位上坂上伊美吉斯文
 等九人賜姓坂上宿祢後漢孝靈皇帝四代孫阿
 智使主之蒙與坂上大宿祢同祖也左京人從五
 位下行參河介壹志宿祢吉野賜姓大春日朝臣
 天足彦國押人命之後也右京人中宮少屬正八
 位上道祖史豐富賜姓惟道宿祢阿智使主之黨

類自百濟國來歸也左京人造兵司少令史正六位上飛鳥戶造祢道賜姓百濟宿祢百濟國混伎之後也伊勢國安濃郡人右辨官史生正七位上爪工仲業賜姓安濃宿祢神魂命之後也河內國安宿郡人外從五位下行主計助飛鳥戶造豐宗改本居隸左京職攝津國西成郡人陰陽兄阿刀宿祢貞範貫附左京職飛驒國荒城郡人太政大臣家扶日奉部若善貫附左京職河內國安宿郡人皇太后宮少屬正八位上百濟宿祢有世貫附

左京職近江國犬上郡人左馬大屬正六位上川上舍人名雄貫附右京職因幡國臣濃郡人中宮大屬正六位上物部門起貫附右京職八月丁酉朔日有蝕之五日辛丑延六十僧於內殿限三箇日轉讀大般若經六日壬寅授武藏國正六位上金佐奈神從五位下九日乙巳但馬國言慶雲見十一日丁未釋奠如常正六位上行直講刈田首安雄講御注孝經文章生等賦詩如常是日於太政官曹司廳定僚屬之考公卿相介

行事 十二日戊申明經博士等奉參御在所論
 議如常 十五日辛亥和泉國和泉郡人白丁川枯首吉
 守叙位一階ツクムトナリ獎力田也 是日詔令本元與寺法華
 供得業僧預維摩會トホ暨義 十七日癸丑以散位
 從五位下藤原朝臣春江為中務少輔從五位下
 內藏朝臣高守為備中 介高守貞觀二年任備中
 介高守遭母憂去職今詔赴之是日從五位下守
 大判事兼行明法博士讚岐朝臣永直率永直者
 右京人也本姓讚岐公讚岐寒川郡人幼齒大學

右字以
 續日本
 後紀第
 五神

好讀律令性甚聰明一聽暗誦弘仁六年補明法
 得業生兼但馬權博士數年之後奉試及第天長
 七年春為明法博士同年夏為右少史明法博士
 如故尋轉左少史八年兼勘解由判官兼和元年
 正月授外從五位下大判事明法博士如故是年
 兼勘解由次官三年賜姓朝臣改本居隸右京職
 俄而兼出雲權介遷兼阿波權掾十三年法隆寺
 僧善愷向官告檀越少納言登美真人直名有犯
 之狀右少辨伴宿祢善男與參議右大辨正躬王

三十八寶鏡卷六

等執論差踏善男辨口便佞蒙帝寵遇遂誣正躬
王等許容善愷違法之訥免其官爵先令明法博
士等斷正躬等之罪永直畏憚權勢不肯正言然
執律私曲相須之義大忤善男之旨嘉祥元年刑
部少輔和氣朝臣齊之死太不敬罪當絞詔減死
罪一等流伊豆國永直坐齊之事配流佐渡國二
年二月仁明天皇晏駕カニヤカリシマ文德天皇踐祚明年勅
特從恩免徵復本位外從五位下齊衡二年為明
法博士三年老乞骸骨再三陳請然後許之然猶

興源敏
久當作
藤原本
雄額田
今人當
作伴吉
田宗按
續日本
後紀嘉
祥年

不停明法博士歸休於家天安二年文德天皇
勅曰明法博士是律令之宗師也惜其齒在耆者
不傳正說宜令好事諸生就其里第受讀善說永
直閑卧私第授律令於生徒式部省就門庭行講
竟之礼法家榮之以壽終焉時年八十永直自為
官吏爰及晚節歷任勘解由次官使判決之道能
究其旨為彼使司者今猶為准的焉當大判事與
源敏久明法博士額田今人等抄出刑法難義數
十事欲遣問大唐永直聞之自請詳解其義累年

二月壬子
子外從五位下
伴吉田
運宗為兼明法博士大判事如故從五位下藤原朝臣本雄為大別第

凝滯一時水釋遣唐之問因斯止矣長安時人傳父業改姓和氣朝臣少女為光孝天皇東衣生源皇子推鑒三九月丁卯朔三日己巳天皇齋齋奉燈如常八日甲戌授因幡國正六位上齋齋神從五位下九日乙亥重陽之節天皇御前殿賜宴群臣文人賦詩奏樂賜祿如常十一日丁丑遣使伊勢太神宮奉幣如常十五日辛巳地震十七日癸未是日京師人家井泉皆悉枯竭所有水之處人相借汲用是日勅開神泉苑

西北門聽諸人汲水十八日甲申授伊豫國從五位上伊豫村神從四位下廿一日丁亥地震廿三日己丑阿波國極野郡人從五位下行明法博士粟凡直轉麻呂中宮舍人少初位下粟凡直貞宗等同族男女十二人賜姓粟宿祢廿四日庚寅地震廿七日癸巳美作國獻白麻及廿九日乙未晦地震冬十月丙申朔天皇御前殿賜飲侍臣左右近衛府進奏音樂賜綿各有差二日丁酉太政官處分免大和國言將除棄右

京絕戶百姓三百烟。七日壬寅正三位行中納言兼民部卿皇太后宮大夫伴宿祢善男奏言生於三東轉于六道莫不荷負四恩之德何謂四恩一父母恩二衆生恩三國主恩四三寶恩四生舍靈非恩無育夫報恩者早登菩提之臺背德者常沒奈落之獄臣宿緣多幸生遇聖日身陶十善之化心竦報恩之誠每念建仁祠之舍還恐違國家之制方今二使數催屠羊日迫此生不報後生何為悲室山之徒歸痛刀林之永割請捨山城國紀

戊午辛未化作仁

丁未庚申主領復作願豫

伊郡深草鄉別墅為道場賜額報恩然則名之與實自將相副上答聖主覆載之恩下酬法界領復之德詔許之。九日甲辰地震越中國從四位下鷄坂神授從四位上。十四日己酉以外從五位下行明法博士粟宿祢躰麻呂為大判事明法博士如故。廿一日丙辰右方諸衛府及馬寮獻物。即是五月六日競走馬之輸物也奏音樂并賜祿如舊儀。廿二日丁己延屈六十僧於內殿限以三日轉讀大般若經御修法限七日訖。廿八日

皇代實錄卷六

三十三

癸亥地震 十一月乙丑朔中務省率陰陽寮獻
 明年御曆御前殿付内侍司奏詔以出羽國正四
 位上勳五等大物忌神預之官社 三日丁卯地
 大震動 八日壬申平野春日祭如常 九日癸
 酉梅宮祭如常 十一日乙亥遣散位從五位下
 末良王向伊勢太神宮奉幣詔以河内國從五位
 下栗栖神預之官社攝津國正六位上田邊東神
 田邊西神並授從五位下 十三日丁丑祠園并
 歸神如常 十四日戊寅鎮魂祭如常 十五日

戊本祭作會

巳卯新嘗祭 天皇不御神嘉殿勅親王公卿向
 神祇官奉祭 十六日庚辰 天皇御前殿賜宴
 群臣奏大歌五節舞賜祿如常 廿日甲申先是
 以主鈴從八位上美和真人清江言鼠齧内印盤
 禊至是神祇官止云觸穢之人供神事仍成崇由
 是大被於建礼門前 廿四日戊子大原野祭如
 常 廿五日己丑先是從五位上行但馬權守豐
 井王割公廨造幡十八旒各長一丈五尺施入國
 分寺請官裁云永附官帳以資御願太政官處分

社祖

依請焉授山城國從五位上鴨川合座小祖宅神
正五位下 十二月乙未朔 七日辛丑相摸國
大住郡荒廢由三十二町奉充冷然院曲藥寮始
置寮掌一員 十一日乙巳月次神今食祭 天
皇不御神嘉殿親王公卿向神祇官奉祭伊勢太
神宮祢宜外從五位上神主繼長加外正五位下
授度會宮祢宜外正六位上神主河繼外從五位
下 十六日庚戌地震 廿日甲寅於內殿修佛
名懺悔如常以散位從五位下平朝臣住世為正

親正從五位下滋野朝臣善根為美濃守從五位
上滋野朝臣善蔭為丹波守善根今年為美濃守
善蔭貞觀三年五月朔丹波守兄弟並以母憂去
職今詔以本官赴之 廿二日丙辰因幡國正五
位上守倍神近江國正五位上小野神並授從四
位下 廿五日己未大藏大輔正五位下在原朝
臣善淵奏言善淵自在童齡之年平城天皇別賜
恩隱荷戴之德猶欲灰身自宮車晏駕常念結精
廬於陵次以作念佛之地聊且所得白業即便奉

三十一卷戶金卷六

三十一

資御靈丘山之恩以補萬一假使世累未免者以
得意一僧代身令住持至歸老之時將果出世之
願而身髮漸衰心事未合望山陵而泣血願簪纓
而胡顏竊見禪師親王昔構堂舍之地今來荒廢
基趾猶存目願不勞犯土之功力便建一舍於此
中方今薰風遠扇真俗霑仁凡有善願皆蒙成濟
儻枉太恩蒙賜哀許則獻微涓於存沒為知恩之
一端營深念於現當作漸惑之勝業即瞑目之至
願土灰之極榮也詔許之善淵平城太上天皇孫

高丘親王之男也 廿六日庚申雷大雨勅公卿

分遣諸山陵墓奉獻荷前幣如常 廿七日辛酉

地震右大臣正二位兼行左近衛大將藤原朝臣

良相上表曰伏奉今年四月十二日詔書曰參議

己上各論時政之是非詳世俗之得失傷化害人

不便於時者節用謹度當利於國者並盡昌言以

沃朕心勿為華飭勿有隱諱伏惟皇帝陛下德高

雲霞明並日月猶開廣詢之路遂降不諱之論臣

身非岳神位忝台衮獻替之誠徒積塵髮之効臣

詩大雅
瞻仰篇
書廣書
車陶讓

申仍以中外之國小大之政所以治而不乱者唯
以任得其人也脫非其人則雖有峻法嚴令然是
為乱之階終非為治之備矣故詩曰人之云亡邦
國殄瘁書曰都在知人知人則哲能官人臣之不
敏深信斯言從政以來猶自留意而趙魏滕薛之
任易迷絳侯番夫之才難辨即知人心險於山川
惟帝其難將如之何抑其明經秀才得試及第者
尤是國家之才望宜明古今王事之體又一切智
法教無量凡諸僧綱及曾經八省維摩講師皆應

三才實錄卷六

三十一

通熟世諦之利病又右大辨南淵朝臣年名身為
進士職經內外稍通治體既居樞要山城守紀朝
臣今守所歷之州風聲必暢論之良吏自為先鳴
伊豫守豐前王才學早彰資歷淹久無他異跡足
謂老成宰大宰大貳藤原朝臣冬緒聲名粗達器識
漸優吏幹之稱仍有可愛大和守弘宗王頗有治
名多宰州縣雖自賢之費或罹法網而談諸經國
非無其才然則令件等人同上意見既云詔及葛
菟何况於彼有識臣讓荷重責無他息肩從獻管

三才實錄卷六

三十一

